

Ռյա թագա

Մակերես՝ 9.11կմ²

Բնակչություն՝ 443

Գյուղ Արագածի տարածաշրջանում, Երեւան- Սպիտակ ավտոմայրուղու վրա: Մարզկենտրոնից գտնվում է 41 կմ հեռավորության վրա:Նախկինում ունեցել է Կոնդախսագ, Ղոնդախմագ, Ղունդախսագ անվանումները : Ռյա Թագա է վերանվանվել 1978 թ-ին: Գյուղի անվանումը քրդերենից թարգմանաբար նշանակում է 'Նոր ճանապարհ': Գյուղի շրջակայքում պահպանվել են 10-13 դդ հայկական եկեղեցի եւ հին գերեզմաններ: Տեղադրված է ծովի մակարդակից 2050 մ բարձրության վրա: Կլիման բարեխառն լեռնային է: Ձմեռները տեւական են, ցուրտ, հաստատուն ձնածածկույթով: Ամառները տաք են, համեմատաբար խոնավ: Հուլիսյան միջին ջերմաստիճանը տատանվում է 16-18-ի սահմաններում, հունվարյանը՝ -6,-8-ի սահմաններում: Մթնոլորտային տարեկան տեղումների քանակը 450-600 մմ: Բնական լանդշաֆտները սեւահողային տափաստաններ են: 1931 թ-ին գյուղն ունեցել է 323, 1873 թ-ին՝ 323, 1926 թ-ին 672, 1939 թ-ին՝ 641, 1959 թ-ին՝ 437, 1979թ-ին՝ 610, 1989 թ-ին 328 բուրդ բնակիչ, որոնց մի մասի նախնիները տարբեր ժամանակներում գաղթել են Կարսի մարզի եւ Արեւմտյան Հայաստանի Վան նահանգից: Համայնքի բնակչությունը կազմում է 533 մարդ, որից 47% տղամարդիկ են, 53%՝ կանայք: Բնակչության մեջ միջաշխատունակները կազմում են 40%, աշխատունակները՝ 45%, հետաշխատունակները՝ 15%: Գյուղն ունի 115 տնտեսություն: Ունի դպրոց, գրադարան, բուժկետ, կապի հանգույց: Համայնքի տնտեսության մասնագիտացման ուղղությունը գյուղատնտեսությունն է: Գյուղատնտեսական հողահանդակների հիմնական մասն օգտագործվում է որպես արոտավայրեր, վարելահողեր, խոտհարքեր: Չբաղվում են բանջարաբոստանային, հացահատիկային, կերային կուլտուրաների մշակությամբ: Տնամերձ հողակտորներում կան բազմամյա տնկարկներ: Պահուստային հողերը զբաղեցնում են համայնքի մակերեսի 65%, որոնց մեջ մեծ է արոտավայրերի տեսակարար կշիռը՝ 231հա, ապա վարելահողերը՝ 30հա: Գյուղատնտեսական համախառն բերքի մեծ մասը բաժին է ընկնում անասնապահությանը: Չբաղվում են խոշոր եւ մանր եղջերավոր անասնաբուծությամբ: Արդյունաբերություն չունի: Համայնքի հիմնախնդիրների մեջ կարեւորվում է խմելու եւ ոռոգման ջրի ջրագծերի, գյուղամիջյան ճանապարհների վերանորոգումը: